



Inatsisartunut ilaasortaq Ane Hansen, Inuit Ataqatigiit  
Maani/

**Ittoqqortoormiini nannut ajornartorsiutaasut pillugit apeqqut nr. 249-imut  
akissuteqaat**

20-10-2015  
Suliap normua 12628  
All. nr. 1339337

Aalisarnermut, Piniarnermut Nunalerinermullu Naalakkersuisoqarfik (APNN) ulloq 8. oktober 2015 Inatsisartunut ilaasortamit Ane Hansen-imit (Inuit Ataqatigiit) allakkanik tigusaqarpoq, Ittoqqortoormiini nannut ajornartorsiutaasartut pillugit. Allakkiaq § 37, imm. 1 apeqqutit tigunekarpoq uangalu akisussaaffinnut akisassanngortinneqarluni.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

*Ittoqqortoormiit illoqarfianni nannut amerligaluttuinnartut innuttaasunik  
naviagineqartut pillugit Naalakkersuisut qanoq iliuseqarniarpat?*

Piniarnermut Naalakkersuisoqarfiup maannakkorpiaq misissorpai qasilitsunik seqqittaatinik aamma aallaasip iluliinik gummiusunik qimaasaarutitut atorsinnaanerit periarfissaqarnersoq. APNN Canada-mut, Norge-mut aamma USA-mut saaffiginnikuuvuq sumiiffinni inoqarfiusuniit nannunik qimaatitsisarnermi misilittagarisaat paasiniarlugit qulaajaaviginiarlugit. Ilisimatuut canadamiut, norskit aamma amerikkamiut misilittagarissaarput qasilitsunik seqqittaatsinik aamma aallaasip aqerluinik gummiusunik atuinermit, taamaattumik taamatut aaqqiisutissatut periutsip atornerqarsinnaanerit periarfissaq misissorlugu ingerlateqqinneqarpoq. Inatsisilerinikkut apeqqutit qulaajarneqartussaapput, tassami qasilitsunik seqqittaatit Kalaallit Nunaanni atornerqarnissaat inerteqqutaammat. Tamatuma saniatigut ilulillit gummiusut qanoq ittut atornerqassanersut paasiniarneqarpoq. Issittumi Sakkutooqarfiup qasilitsunik seqqittaatit aamma ilulit gummiusut imassat misilittaaffigissavaat.

*Tunami nannut piniagaanerit pillugit nalunaarutitigut nutarterisorniarpa*

2016-ip aallartinnerani Naalakkersuisoqarfimmit pilersaarutigineqarpoq nannut illersugaanerit piniagaanerallu pillugit nalunaarutit nutarterneqarnissaata aallartinneqarnissaa. Ilaatigut nannut ajornartorsiutaasartut illoqarfiup killeqarfiata iluanut pisarnerini ajornartorsiut aamma nunap ilaanut immikkoortunut pingasunut agguataarisinnaanermi periarfissaq Naalakkersuisoqarfiup misissuataassavaa. Taamaalilluni erseqqinnerulissaaq innuttaasut nannunik nunap ilaanut immikkoortuni assigiinngitsuni naapitsigaangamik qanoq iliortarsinnaanissaat.

*Kujataani savaatillit akornanni nannut ukiup ingerlanerani savaatilinnik  
ajornartorsiutigineqartartut pillugit Naalakkersuisunit iliuseqarfiginiarneqarpa*

Naalackersuisut ilisimalluarpaat nannut inoqarfinnut pisarnerat ajornartorsiutaasoq ilungersunarsinnaasoq, matumanilu Kujataani nunaateqarfinnut pisarnerat eqqarsaatigalugu, upernaakkut, aasakkut ukiasakkullu savat uumasuutillu nunami angalaannartarmata, kiisalu nannut inunnt, uumasuutinut, sanaartukkanut, ungaluukkanut allanullu pigisanut ulorianartorsiortitsisinnaanerat ilanngullugu eqqarsaatigalugu.

Naalackersuisoqarfimmit tassunga atatillugu erseqqissaatigineqarpoq qarasaasiatigut paasissutissanik katersisarneq, tassani nannunik ajornartorsiutit naapitsisarnerillu tamarmik nalunaarsorneqartarlutik. Taamaaliornikkut Naalackersuisoqarfimmit ajornartorsiutip qanoq annertutiginera pillugu pitsaaneruseq tamakkiisumik takunnissinnaalissaaq.

Nalunaarummik iluarsasseqqinerup ilaatut nannunik naapitsinermi maleruagassat iluarsartuunneqassapput. Tamatuma saniatigut paasissutissiisarnikkut suliniuteqarneq Naalackersuisoqarfimmit annertusisinneqassaaq, ilaatigut qarasaasiakkut nittartakkatigut aamma naqitatigut ilisimatitsisarnikkut. Kiisalu Naalackersuisoqarfimmit suliniutaasinnaasut allat pingaartumik Tunumi sukumiineruseq nallivigineqassapput, tamatumani ajornartorsiutit annertunerpaat takuneqartarmata.

Kujataani savaatillit eqqaanni nannunik naapitsisimanerit pillugit 2014-imi nalunaarutiginnittoqarsimanngilaq. 2015-imi Qaqortup eqqaani ataatsimik naammattuuisoqarpoq.

Naggassiutigalugu nalunaarutigissavara Nannunik illersuineq piniarnerlu pillugit nalunaarummi atuuttumi § 12 naapertorlugu imminut illersortariaqarluni iliortoqartariaqarluniluunniit pigisat illersorniarlugit imminulluunniit illersorniarluni Naalackersuisut nannussinnaatitsimmata. Pisuni taamaattuni Pinerluttulerinermut inatsimmi aalajangersakkat malinneqassapput. Tassa imaappoq, kinaluunniit ulorianartorsiortutut misigaluni imminut illersortariaqarluni iliortoqartariaqarluniluunniit pigisat illersorniarlugit imminulluunniit illersorniarluni nannussinnaatitaavoq. Nalunaarut nutarsarneqalerpoq, tassani imminut illersortariaqarluni iliortoqartariaqarluniluunniit pillugit aalajangersakkat ersarissarneqassallutik.

Inussiarnersumik inuullaqqusillunga

Karl Kristian Kruse